

DISSERTATIO THEORETICO-
MEDICA INAUGURALIS.

D E

S O M N O.

QUAM,

ANNUENTE DEO TER OPT. MAX.

Ex Auctoritate Magnifici Rectoris,

D. ANTONII SCHULTINGII,
J. U. D. ET ANTECESSORIS ORDINARI.

NEC NON

*Amplissimi SENATUS Academici Consensu, & Nobilissima Facul-
tatis MEDICÆ Decreto,*

PRO GRADU DOCTORATUS,

Summisque in MEDICINA Honoribus & Privilegiis
ritè ac legitimè consequendis,

Eruditorum Examini submittit

JACOBUS VAN VISVLIET, *Mediob. Zeländ.*

Ad diem 25. Augusti 1717. horâ locoque solitis.



SPECTATÆ INTEGRITATIS

V I R O

D. EGBERTO VAN VISVLIET,

PATRI SUO INDULGENTISSIMO, OMNI HO-
NORIS, ET, PIETATIS GENERE ÆTERNUM
COLENDO, PROSEQUENDO.

*Hanc Dissertationem Inauguralem, seque
simul ipsum, in perpetuum grati
animi, integræque reverentiæ
monumentum consecrat*

JACOBUS VAN VISVLIET.

Auctor.

THE UNIVERSITY OF CHICAGO
LIBRARY

REPRINTED FROM THE
ORIGINAL MANUSCRIPT

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



DISSERTATIO THEORETICO-MEDICA INAUGURALIS.

DE

S O M N O.

Caput Primum.



xigit tempus, ferunt Academicæ leges, ut quilibet aspirans ad Doctoris gradum, edat profectuum specimen; mori huic laudabili ut & hoc tempore satisfiat, studens optatam cursu contingere metam, ex magnâ rerum Medicarum copiâ hancce mihi elegi materiam, quam nullâ exordii pompâ gravi lustrare breviter animus est.

Ut itaque propositum absolvam, ante quædam explananda habeo, quam de ipso somno dicam.

LEMMA I. *Corpus animale ubique in omni puncto interno, externo, constat canalibus, qui sanguinem recipiunt a corde, & in illud remittunt.*

Consideranti, æ. quod nulla corporis pars puncta non prodat

liquidum, certo indicio aciculam, vel aliud quodcunque corpus durum acutum produxisse cohærentis separationem, liquidi contenti effusionem. β . quod omne viscus licet maxime compactum & cavitatibus expers videatur, stricte examinatum ostendat esse meram vasculorum congeriem. (*vide* M. MALPIGHIIUM. *de visceribus*) γ . quod nec ossa, neque cartilagine, nec ligamenta suis careant vasculis in ullo puncto. (*vide* C. HARVEII *osteologiam novam*) δ . ea, quæ anatome comparativa, ligaturæ vasorum, contemplatio figuræ morbosæ, injectiones mercurii, ceræve, microscopia, calculus mathematicus subtilissime hinc institutus invenere, maximâ parte patet asserti veritas. Ulterius, canales illos, qui a corde liquida recipiunt esse arterias, nemini non notum, qui vel a limine anatomen salutavit; Vasa reducentia venas dici clarissimum: Moveri vero sanguinem ita ut a corde sinistro per aortam, cui omnes arteriæ quotquot sunt in toto corpore mediate vel immediate originem debent (exceptâ arteriâ pulmonali, cui jure addi potest vena portarum) ad cunctas corporis partes libero itinere feratur: Per venam cavam, a quâ omnes venæ oriuntur eodem ac dictum est de arteriis modo (exceptis illis pulmonicis) ad dextrum cor sit reditus liquidi varii continuatione mathematicâ, exceptis vasis excretoriis in aprico posuit *immortalis* HARVEUS, infinita confirmarunt experimenta, vocavitque hunc motum circulationem sanguinis; Quæ quidem cognita fuit SERVETO, & imprimis CÆSALPINO, Uti videtur ex eorum scriptis; Gloria tamen inventi debetur HARVEO propter plurimas rationes, uti hancce litteram æquâ diremit *balance vir perfectâ eruditione* H. BOERHAAVE, *in hac celeberrimâ Academiâ Medicinæ, & Botanices Professor spectatissimus Præceptor noster humanissimus, & Promotor ad rogam usque venerandus.*

LEMMA II. *Idem corpus ubique nervosum nervos ab encephalo accipit per quos liquidum tenuissimum fluit.*

Omne id quod cranii mœniis & thecæ vertebrarum osseæ occluditur Anatomici dicunt *ἐγκέφαλον*, dividunt in cerebrum, cerebellum medullam oblongatam, & inde medullam spinalem. Ab hujus corticosâ substantiâ, totâ vasculosâ ultimo in omni puncto proveniunt minima emissaria, quæ unita faciunt medullofam cerebri substantiam, unde tam intra quam extra cranium pro-

ve-

veniunt fibrillæ minimæ, quæ collectæ in varios fasciculos albicantes, molles, variis tunicis inclusos nervi dicuntur, sensibus & motibus ad quamcunque corporis partem destinati a naturâ. Horum omnium accuratissimam histor. Vide sis apud T. WILLISIIUM. M. MALPIGHIIUM. R. VIEUSENSIUM. F. RUYSCH. A. LEEUWENHOEK. H. RIDLEY. aliosque, considerans penitus; ἐγκεφάλῳ structuram. 2. quod sanguis nudo oculo licet homogeneus sit massa heterogenea constans ex particulis variæ magnitudinis, molis, soliditatis, figuræque (docent id namque ejus ortus, analysis chemica &c.) proin diversimode motis. 3. sanguis (2) magno impetu e corde sinistro in aortam moveatur. 4. mox ejus ingens copia M. MALPIGHIO *in exerc. epist. de cerebro ad Fracassatum*. Totius una tertia pars per arterias carotides, & vertebrales, ab omni impedimento liberata, recta sursum feratur, adeoque secundum regulas Mechanicas, Hydrostaticas, & Hydraulicas, juxta quas omnia fiunt in corpore humano, ut nullus sit motus tam solidorum, quam fluidorum, qui non ex iis demonstrari possit, debeat, totius (nullibi enim simile quid obtinet in toto corpore) sit ea portio quæ habet partes solidissimas, gravissimas, mobilissimas, minime ramosas, a non talibus per vasa lateralibus liberatas, ulterius in Palladis arce attenuatas, intemixtas, facile video post innumera molimina hic in magnâ copîâ, æquabili modo, ingenti vicordis, nulli Mathematico subtilissimo licet, unquam absolute specialiter, multo minus universaliter propter plurimas rationes definiendâ exprimi liquorem omnium totius corporis humani subtilissimum, mobilissimum, tenuissimum, fluidissimum, qui recipitur a fibrillis minimis (nervulos totidem dicas) *humanissime Lector*, & expressus in cortice cerebri spiritus animalis, in cortice cerebelli spiritus vitalis nomine in scriptis medicis occurrit (an vero hi spiritus subtilitate differant hic non disputo.)

1. Ex dictis evidentissime patet, quam maxime ergo sibi, aliisque imposuere illi clarissimi viri, qui videntes ex caudâ bubulâ sectâ stillare humorem mucilaginosum, dixere esse liquidum nervosum mox descriptum, cum absque omnium dubio sit liquor Haversianus articularum.

2. Quam longissime a veritatis tramite deviarunt WILLIS,
MA-

MAYOW. BORELL. VIEUSSENS. PASCAL. BOHN.
 (pace tantorum virorum dixerim) cum spirituum indolem explicare suscepere; meum hoc assertum subtilissimis affirmat rationibus in privatis exercit. Theoreticis *Vir altissimâ eruditione*
 B. ALBINUS. *Sacræ Regiæ Majestatis in Borussia Consiliar. Aulicus, & Archiater, nunc in hac splendidissimâ Academia. Lugduno Batavâ Theoriæ & Praxeos Medicæ Professor illustri laude celebratus, Præceptor noster fidelissimus, semper colendus.*

3. Quam nimis sibi indulgere illi gravissimi viri, qui varia in variis glandulis fermenta collocarunt, pororum, & partium configurationem diversam diversis in locis requiri dixerunt, ut secretionem fiant variæ: adi B. L. *aureas Instit. Medic. Clariss. H. BOERHAAVE. ET ARCHIBALD. PITCAIRNE* *disser. de Circul. sanguinis*, eritque tibi nuda veritas, fermentis peculiaria promptuaria non esse atque fermenta ipsa in animali nulla. 2. hoc modo nullas unquam celebratum iri secretionem. &c. &c. sed ad rem.

Qui examinat observata Lyncis Anatomicorum MALPIGH. *puta de format. Pulli in ovo, & de ovo incubato.* Notatque. α . quod animal in initio generationis optimis licet microscopiis visum ostendat nihil aliud quam cerebrum, medullam oblongatam, & spinalem. β . simulac aliæ partes in conspectum veniant proportionaliter imminuatur moles (lit. α) idque fiat continuo. γ . fœtus recens in lucem editi $\frac{1}{3}$. pars fere sit caput. δ . corpus ubique mobile, sentiensve, ratione suffultus concludet omne, vel minimum punctum, adeoque totum corpus esse nervosum: eadem quia sine dubio obtinent in homine. *Vide RUYSCH. ET LEEUWENHOEK.*

Neque restat quod opponas B. L. r. contrariari Mechanicæ Cerebrum prius fuisse corde &c. Resp. me tantum verba fecisse de iis, quæ oculus armatus licet optimis microscopiis, unquam videre potuit, non negando stamina cæterarum partium forte etiam adfuisse, quæ si vocare velis ipsas partes; bene, at scias esse id catachrestice loqui, quod an in re Medicâ conveniat, nescio.

2. merum esse tantum assumptum, fibrillas dici canaliculos, cum eorum cavitas nusquam ostensa sit: rehero simili ratione,

ne, ut ostendantur mihi. α . vascula (arteriolæ) Sanctorianæ perspirationis; quorum 125000 ex calculo mathematico acutissimi LEEUWENHOEK: hiare dicuntur in spatio unius vulgaris grani sabuli. β . vascula illa, a quibus liquidum exhalans in diversis cavitatibus, uti pericardio, abdomine & similibus; vel stagnans in statu haud sano, aut arte ibi depositum (vide NUKK:) resorbetur, uti plurimæ prostant observationes Practicæ; nec longo ab hinc tempore commilitonum quidam sincere mihi retulit, se olim laborantem ulcere tibiæ, hoc iusto tempore non depurato, purulentam reddidisse urinam, nullo alius partis affectæ signo: depurato vero secundum artem ulcere minime lotium emisisse tale. γ . illi canaliculi (certissime minimæ venæ) per quos particulæ ab externis cuti impositis ingrediuntur tandem massam sanguineam. *Vide BELLINUM. ET BAGLIVUM.* Cuncta quæ si quis perpendat, hisque addat observata LEEUWENHOEK: *de cerebro, ejusque vasis*, libere affirmabit nervos esse canaliculos, licet ligati, aut in vacuo Boyleano positi non intumescant, nec puncti vel dissecti liquidum stillent, minime chordas elasticas, ut quidam gravissimi Viri in arte Medicâ voluere.

3. Molem $\epsilon\gamma\kappa\epsilon\phi\acute{\alpha}\lambda\lambda\varsigma$ haud sufficere constituendo totum corpus nervosum: attendenti vero observata Mathematica *Clar. KEIL. de secretionem animali*, quod corporis totius ponderantis ℥ 160 sint liquidorum ℥ 127 ad minimum ingens copia: Cerebrum vero si solum spectetur eluatur &c. vix amittat de pondere, imo in phthificis, quorum partes solidæ consumuntur, & lentâ tabe exarescunt, totum cranium ad ultimum marasum oppleat, uti docuere incisiones cadaverum: nullam dubitandi rationem relictam iri puto.

Totum itaque corpus quum constet ex vasis, vivere & sanum esse dicitur, si liber, & æquabilis sit fluidorum itusreditusque per omnia vasa, & effectus inde sequantur requisiti: quod de toto dicitur convenit cuilibet singulari parti, quæ & proinde dicta liquida, dicto modo accipiens, moveri, vivere, vigere, eamque functionem exercere, cui a naturâ est destinata, merito dicitur, & vice versâ omnis corporis pars, hæc liquida non ita accipiens, vel moveri motu inæquabili, vel collabi, nec fun-

ctionem exercere suam: id namque probant plurima experimenta Anatomica: ligato enim, compresso, vel dissecto nervo, partibus, ad quam tendebat ille, motus mox multum imminuitur, & perit: Idem de arteriâ ligatâ, compressâ, vel dissectâ docuerunt plurima experimenta. Unde clarissime patet, quod & nervus & arteria simul requirantur ad perfectum motum musculi &c. & quidem ratione liquidorum, quorum tantum influxus impeditur: quod si fiat in omnibus vasis simul, ut nullus sit influxus & reductioque liquidorum, nec amplius apta sint iis recipiendis, pars dicitur mortua, docet sphacelus. Unde docemur quid sit mors, penitus nempe cessans circulatio humorum, quod de parte dicitur intelligatur etiam de toto; sicque habetur idea mortis totius, vitæ minimæ &c. hisce præmissis, rem ipsam sequenti aggredior modo.

Caput Secundum.

§. 1. **Q**ui expedite, & sine ullo impedimento exercet omnes functiones sensuum externorum, internorum, motuumque voluntariorum, vocatur Vigilans.

§. 2. Cuncta hæc (§. 1.) dependent a f. q. præsentis spirituum bonorum, Cerebro, nervis inde oriundis, cæterisque partibus dictis mox inservientibus sic dispositis, ut sit facilis motus, spirituum animalium itus & reductio.

§. 3. Corporis ille status, in quo dicta (§. 1. 2.) obtinent, dicitur Vigilia.

§. 4. Homo postquam aliquamdiu mansit in statu (§. 3.) pro tempore per gradus recedit in alium, ab illo tantâ distantia diffinitum, ac tam vere contrarium, ut nihil magis; dicitur Somnus. Phænomena ejus sic se habent.

§. 5. In Somnum lapsurus homo plenitudinem quandam capitis, & totius corporis gravationem sentit, hinc sensuum externorum, internorum vis labascit, ut fiat quasi desipientia, tandem plane cessant. Motus, qui præeunte quodam mentis imperio peraguntur (voluntarios dicunt Medici) incipiunt difficilius

lius exerceri, minui cum sensu resistantiæ, ultimo omnino desinunt. Connivent proin sæpius palpebræ, & nolente volente animâ tandem omnino cadunt. Caput nutat, jamque in hanc illamve partem, varie movetur. Maxilla inferior recedit a superiori. Saliva ex ore profluit, & si quid in ore retineatur, excidit. Debile fit corpus, languescunt membra, brachia validis exapta lacertis cadunt, manus datæ utraque a parte ministræ, ut facere ad vitam possit, quæ foret usus, homo, res apprehensas dilabi sinunt, fitque hic species repetiti tremoris; vacillant crura, poplites procumbunt, ut tota corporis compages in pronum fere ruat, (si dormituriens nempe stet, sedeatve) urget hinc decumbendi necessitas. Omnes reliqui muscoli dictis motibus exercendis destinati quasi resolvuntur, ita ut totum corpus mortui instar jaceat, gelidæ mortis imaginem præbeat, & nihil ad quamcunque figuram traducenti partes renitatur homo, merito proin semimortuus. NB. Horum plurima in plurimis, non omnia in omnibus.

Toto interim hoc tempore, motus cuncti, qui nullo præcedente mentis imperio, imo ipsâ nesciente, vel reluctante animâ peraguntur (non voluntarii, seu vitales & naturales appellantur Medicis,) in quolibet exercentur, & quidem majori cum vigore, nempe cordis, arteriarum, venarum motus fit fortior, lentior, plenior, magis æquabilis, respiratio, quæ motus mixtus, id est voluntarius & non voluntarius, quatenus vitalis permanet, fitque ut reliqui robustior, lentior, æquabilior, profundior, imo quandoque cum stertore, qualis imprimis in rusticis, operariis, &c. quorum duro quotidie franguntur membra labore observatur; eodem etiam hoc tempore maximâ parte fiunt functiones naturales.

§. 6. Omnibus hisce rite perpensis, & æquo judicio examinatis, evidens est, quod *Somnus sit ille corporis status, in quo organa sensuum, motuumque voluntariorum pro tempore suas actiones non exercent.*

Coroll. nequeunt itaque dici dormire Somniantes & Noctambuli, exercent quippe plurima, quæ cuncta contrariantur ideæ Somni mox datæ.

§. 7. 1. Arteriæ carotides si constringantur, pendulumque fiat

molossi caput extra mensam, opprimit eum status (§. 6.) erecto autem capite, sinistraque reclusâ Carotide, statim sese concutere, & exagitare incepit animal. (Vide *Clar. DRELINCURT. Canicid. 1.*)

2. Mulier, cui pars cranii ablata erat cariëi causâ, compresso cerebro sensus & motus expers concidit, remissâ compressione, rediit in statum (§. 3) vide *l'Histoire de l'Academie Royale des sciences l'Annee 1700. in 8. pag. 57.*

3. Acus in cerebellum si compellatur inter 1. vertebam & os occipitis, canis epileptici instar concutitur, & mox expirat. *DRELINCURT. canicid. 3.*

4. Cerebello dissecto, vel ex cranio exsecto, omnibus cæteris partibus relictis salvis, animal in puncto temporis, quasi fulmine ictum moritur *experimentum fecere RIDLEY. aliq.*

Coroll. ex his 4. experimentis mathematicâ evidentiâ patent plurima, α . cerebrum esse a quo dependent functiones (§. 1.) β Somnum esse affectionem cerebri. γ . minime proin 1. dependere a splene, uti voluit HELMONT. *Traçtat. de duumvir. pag. 275.* 2. neque locum habere in corde, uti alii sibi imaginati sunt. 3. non obtinere sententias plurium Poëtarum, quibus enarrandis brevitatatis ergo supersedeo.

§. 8. Convenit Somnus cum Apoplexiâ, quatenus dormiens non sentit, stertit aliquando &c. differt vero quatenus homo (§. 1.) sensim labitur in Somnum, expergiscitur sponte, vel aliquo stimulo v. c. fæcum intestinal. expell. aut urinæ solummodo per renes, & ureteres in vesicam depositæ, jamque illam copiâ, acrimoniâ, diuturnâve remorâ distendentis, vellicantis, mentemque hinc in expulsionem incitantis &c. causâ, disponitur ad vivendum uti in sequentibus patebit: Apoplecticus vero subito incidit in statum suum, difficulter respirat, nunquam expergiscitur sponte, continuo fit letho magis proximus, partim propter nimium sanguinis motum & proin attritum, unde cerebello instat ruina, vel propter continuo incrementem liquidi ex vasis stillantis copiam, unde tandem comprimitur cerebellum, quo facta mors (vide §. 7. n. 3. 4.) reliqua horum &c. phænomena si quis advertat, maximam hic intercedere differentiam facile videbit.

§. 9. Quid, hisce visis, tempore Somni judicandum sit de
men

mente, ignoro, CARTESII dogmati plurima possunt objici: Medicus litem relinquo Philosophis.

§. 10. Requirit ordo, ut attento animo indagentur causæ, cognitis namque hisce, rei cujuscunque natura penitus innotescit.

§. 11. Quum autem *causa immediata proxima* sit ea, quâ posita ponitur Somnus, quâ sublata cessat, illa primo loco dicenda venit; animadversis vero dictis (§. 2. 7.) *certissime, semper, & ubique est talis liquidi cerebrosi a sensorio communi nempe medulla cerebri per nervos impeditus fluxus, & vicissim refluxus, qualis liber requiritur, ut quis dicatur vigilans* (§. 1.)

§. 12. *Causa mediata proxima est* α. *penuria spirituum animalium, unde nervi vix inflati pro tempore collabuntur.* β. *vel tanta sanguinis crassioris pressio ad corticem cerebri, ut hinc medulla cerebri compressa transitu spirituum careat.*

§. 13. Causæ mediatae remotiores, causis recensitis ansam præbentes sunt plurimæ, maxime differentes, nec commode redigi aptæ in classes; in genere proin quasdam recensere animus est. Sunt vigilia. Labor, & defatigatio. Sessio ad focum. Balnea. Venæ sectio, hæmorrhagiæ. Situs corporis horizontalis, supinus, pronus. Motus cunarum, vectio in rhedâ, &c. similes corporis motus. Cibus copiosior, solidior, tenacior. Potus liquoris vegetabilis fermentati. Opium & opiata moderatâ copiâ ingesta, injecta, applicata. Salvia, crocus. &c. aromata valde penetrantia, flagrantia, maximeque spirituosâ, a quibus tamen lædens acrimonia abest. Omnia refrigerantia, papaverina levissima farinosa emollientia, uti semina 5 frigida majora, 4 minora, semina, capita, folia, radices papaverum, eorum syrupus, amygdalata &c. &c. lenis Frictio. Attentio ad avium, citharæque cantum, ad numerum guttarum labentium in vas cupreum tinniens, ad murmur & strepitum aquarum præterfluentium, ad narrationem alicujus rei grata, ad fusurum arborum ex ventulo ad horologii pulsus. Lectio non attenta. Solitudo, tenebræ, silentium, cogitationum suspensio. Otium tranquillissimum quiescentis plane corporis. Consuetudo. &c. &c.

Caput Tertium.

Jubet ratio, ut causæ mox enumeratæ (§. 13. Cap. 2.) & phœnomena (§. 5. Cap. 2.) explicentur, en paucis. *Vigilia* est causa Somni; quid sit vigilare &c. visum superius (§. 1. 2. 3. Cap. 2.) ex his patet, quod sanguis continuis secretionibus & excretionibus valde mutetur, nec tandem spiritibus suppeditandis sufficiat amplius, unde tubuli cerebri nervei non amplius ita repleti fiunt flaccidiores, hinc Somnus ob spirit. defectum (§. 12. lit. α. Cap. 2.) sanguis etiam liquidiore parte orbatus fit ad motum ineptus ex hac regulâ, quo liquidi partes magis ad se attrahuntur, eo sunt minus mobiles, sanguis itaque, non ita aptus motum continuare, in cerebro aggeritur, unde cum cranium sit cedere nescium, cerebrum molle, cavitatibus instructum plurimis, necesse est ut medullosa cerebri substantia comprimatur, unde & (juxta lit. β §. 12. Cap. 2.) Somnus, huc faciunt *labor & defatigatio*.

Sessio ad focum, augetur hinc solidorum actio in liquida, eorum in solida reactio, id est augetur circulus sanguinis, quo factò augetur pressio ad vasa, majores fiunt excretiones, maxime tenuissimi perspirabilis, apertis jam ejus tubulis, liquidissima ergo exprimuntur, crassiora remanent, unde clarissime Somnus ob dicta (§. 12. Cap. 2.) ex his patet, cur in æstu nimio homines sunt maxime somnolenti.

Venæ sectio, detractò sanguine supererit in arteriis minor quantitas, minus ergo extendentur arteriæ, minus ergo premetur cerebrum, minori itaque momento spiritus animales trudentur per nervos, unde (juxta lit. β. §. 12. Cap. 2.) Somnus, huc similes evacuationes majores pertinent.

Situs corporis horizontalis, docent Mechanici, quod corpora quæcunque, posita supra planum horizontale, vi parvâ moventur, jam corpus fiat tale, ergo & arteriæ & venæ etiam fiunt tales, omni itaque sanguini inducitur aptitudo fluendi ad caput, unde [juxta lit. β. §. 12. Cap. 2.] Somnus.

Situs supinus, pronus, sic enim corpus accedit ad planum inclinatum, supra quod etiam facile moventur corpora, unde
cad.

ead: fere quæ de situ horizontali; accedit, quod sanguis venosus in situ prono contra naturam debeat adscendere, unde non ita prompte redit ad cor, unde caput maxime impletur, non ita depletur, unde obruitur cortex cerebri sanguine &c.

Corollaria, ex his tribus ultimis patet 1. quod tempore vigiliarum [*§. 3. Cap. 2.*] minor sit agilitas in sanguine ad cerebrum, quam tempore Somni. 2. cur a situ prono adeo intumescat facies. 3. item in Somno si caput nimis dimissum fuerit, cur homo proximo mane conqueratur de capitis torpore, somnolentia &c. 4. quis capitis situs inter dormiendum maxime ad sanitatem conducat. 5. quantæ varius situs corporis in variis morbis curandis sit utilitatis. vide HIPPOCRAT. LOWER. &c. 6. cur motus cunarum & similes motus Somnum producant.

Cibus copiosior, solidior, tenacior, copiosior α . si sit, ventriculus distenditur partim propter copiam ciborum, partim propter aërem rarefactum [claudunt se enim hoc tempore arctissime ejus orificia] hinc ille, ita auctus capacitatem, parte posticâ premit aortam, profundâ, viscera abdominis, quatenus cibos continet, illi vasa ipsius ventriculi angustant, proportio hinc inter sanguinem & vasa intercedens tollitur, nempe sanguinis copia respectu vasorum fit major; docent Hydraulici, quod velocitas liquidorum, motorum per canales quoscunque, intra datum temporis spatium augeatur vel imminuatur, prout augetur vel imminuitur canalium capacitas, majori ergo velocitate fluit per reliqua vasa, affirmat experiment. LOWERI, ligatâ namque arteriâ cervicali alterâ, pulsus statim in alterâ cervicali, tum etiam in axillari utrâque valde augetur, majori ergo etiam celeritate per ea, quæ ad cerebrum, vasa, majori ergo copia exprimentur spiritus, plures ergo influent in partes, cujus effectus plurimi donec tandem auctâ plethorâ hic loci, fiat Somnus. β . *solidior &c.* haud ita redigitur in humorem facile circulantem, (Defunt quippe maximi momenti instrumenta) & ex quo brevi possint exprimi spiritus in locum illorum, qui maximâ copiâ requirebantur tempore digestionis.

Coroll. Ex dictis patet 1. cur dyspnœa post talem postumprimis obtineat 2. cur omnes homines tum, nisi sese exercent, somnolenti fiant.

An autem hoc tempore, & quotidie conducat homini, post prandium cœnamve statim indulgere somno, propter temporis angustiam non determino.

Potus copiosus &c. quatenus *copiâ* patet ex dictis de cibis (ad lit. α.) *qualitate*, quatenus talis 1. constat particulis pluribus glabris, politis, lubricis, ad se invicem non attractis, quæ maxime cerebrum petunt, ex dictis & hisce, quo liquidi partes minus ad se attrahuntur, eo sunt magis mobiles, & quo corpus motum supra aliud minus asperitatis in superficie habet, eo aptius est continuare motum, unde hic plethora, vide superius. 2. particulis acribus, quæ stimulant vasa, unde contractio cordis, arteriarum, venarum augetur; effectus patent. 3. vi adstringente, unde forte constringendo minimos canaliculos (nervulos) spirituum transitum impedit, vulneri namque si applicetur talis liquor, sistit hæmorrhagiam. 4. vi coagulante suâ incrassat sanguinem. NB. Non omnes liquores fermentatos eodem gradu dictis qualitatibus esse præditos, unde & patet ratio, cur talis potus eo magis somniferi sunt, quo magis abundant spiritibus &c.

Opium & opiata, quid sit opium nemini non notum vide DIOSCORID. THEOPHRAST. CAJ. PLINIUM. aliosque, de modo autem quo vires suas exserit, inter Eruditos non convenit, & si alibi, hic quot capita tot sententiæ, hisce non obstantibus si consideretur 1. esse odoris acris, tetri, penetrantis. 2. saporis esse adstringentis & amari, omniaque amara calida sint secundum GALEN. *libr. 4. de simpl. med. fac. cap. 6. de amaritie opii vide plura apud ZACUT. LUSITAN.* 3. bullulam excitare similem ei, quæ fit ab Empl. vesicatorio. 4. sudorem producere &c. operandi modus explicari posset taliter, quatenus stimulat, calefacit, inflamat, agit in moderatâ licet assumptum copiâ, eodem modo ac dictum est de potu (ad n. 2.) quatenus adstringit, effectus vide in explic. potus (ad n. 3.) *injecta*, quatenus jam minima solida, liquidum enematum constituentia, ingrediuntur minimos canaliculos venosos intestinorum per quos tandem in massam sanguineam veniunt, ibique suos effectus præstant eod: modo ac mox dictum est de ingestio *opio*, minime namque fert opinio (sit venia dicenti) enemata tantum supplere vices balnei interni laxantis, contrarium quippe demonstrant clyst-

clysmata blandissima, antiphlogistica in morbis acutis febrilibus summo cum successu injecta, unde etiam non dubito, quin dentur enemata Nutrientia.

Attendenti ad minimos canaliculos venosos in superficie externâ corporis, patet cur *applicata* producant Somnum *opiata*.

Coroll. dicta de opio, & opiatas probabilia cum sint, convenienter concludi potest. α . opium & opiata nihil vitii emendare nec in solidis nec in liquidis. β . in quibus morbis maxime proficiunt. γ . quamnam Medicus ille sibi exspectandam habeat frugem, qui in morbis inflammatoriis v. c. pleuritide, ubi dolor acutissimus, a causâ internâ distendente, opium, vel opiata præbet, tollit fateor quidem dolorem (dicitur ille molesta idea in mente nata, quod fibra nervosa a cerebro oriunda accipiat conditionem physicam, qua brevi instat ruptionis periculum, quod quo majus, eo dolor intensior.) interceptâ communicatione motus ad Sensorium commune, (medullam scilicet cerebri,) non causam, manet proin morbus, ruitque si validus subito in deterius, ita ut æger nescius doloris (sublatus quippe est fidissimus nuncius, quemlibet ægrum exagitans ut quærat curam, Medicum ut relevet laborantem) brevi vitam cum morte commutet, latere affecto, sphacelato, an autem id satisfacere sit *studio Hippocratico omnium verissimo*, non facile dixerim.

Salvia est amara, acris, cum leni quâdam adstriptione, affirmant hæc HIPPOCRAT. *Medicorum Romulus. libr. 2. de diæta. GALEN. libr. 6. simpl. AET. tetr. 1. serm. 1.* unde quatenus his qualitatibus accedit ad opium producit somnum.

Crocus, ut observata docent, equos vehentes crocum torpore obrui, sacculos Croco repletos culcitæ suppositos, Somnum inducere, vinum, cui tantillum croco admixtum, citius inebriare, quam aliud vinum generosum: ratio ex superius dictis clarissima. Ex dictis de opio &c. evidens cur camphora &c. aromata penetrantia flagrantia, spirituosâ producant somnum. 2. cur a spirituosâ ebrietas, & postea somnus. 3. an in febribus ardentibus, & morbis acutis febrilibus jure merito, certâque ratione conferant ad restituendam sanitatem absentem, aromata penetrantia & similia hujus generis; putem quod minime.

Refrigerantia &c. quicquid vim cordis, arteriarum contractionem

C

nem

nem auget, liquida condensat, auget motum, ergo & attritum, adeoque calorem, frigidissima namque solo attritu valido, calidissima evadere quis ignorat? refrigerantia vero &c. diluunt, invertunt, obvolvunt, liquida rarefaciunt, ad motum ineptiora reddunt, spiritus sic quasi ligant, omne quod contrarium prioribus. unde ex hisce rite animadversis facile quis videt, cur somnum inducant, & cur hæc adeo convenient in morbis a nimio motu & morbis ab alcalino spontaneo.

Lenis frictio &c. &c. attentio consistere dicitur in continuatione illius status cerebri, qui requiritur ad præsentandam illam ideam, ad quam attentus homo; mens itaque in hæc intenta ab omnibus objectis avocatur, aliorumque sensuum oblivio obrepit; ut homo paulo post nescius labatur in somnum.

Coroll. hinc patet quanti momenti suo tempore hæc sint in diversis curandis morbis.

Reliqua ex dictis facile innotescunt, ut gnarus falso distinguere verum videre possit, quænam præter memoratas causas huc revocari, & verissimæ causæ somni naturalis dici possint, debeant.

Clarissimum etiam nunc est, quam inanis & penitus abjicienda sit sententia illorum, qui somnum fieri dixere, cum vapores ex nutrimento exhalant in cerebrum, ibi suaviter liquefunt, & defluentes in cerebro obstruunt nervos: dum canaliculi venosi hiantes in cavo ventriculi, æsophagi, oris, excipientes subtilissimum a cibo, potuve humorem deferunt in vasa Lymphatica venosa, unde in venas majores immixtus deferitur prius ad, in per, & ex corde, quam ope arteriæ cum sanguine circulante deferatur ad omnia corporis puncta, suosque ibi præstet effectus. Explicitis sic crassâ minervâ causis, agam paucis de phænomenis.

Plenitudo capitis, fit ab impeditâ æquali pressione sanguinis per corticem cerebri, unde compressione nervorum in fieri, mens idem judicat ac de pondere superincumbente.

Gravatio corporis, non quoad stateram, sed ad vires, cessante causâ cessat effectus, a præsentī sufficiente quantitate spirituum bonorum, & sanguinis arteriosi fluere aptorum per vasa huic continendo destinata (sunt arteriæ, venæ, excipula, receptacula,)

la,) pendet agilitas; spiritus autem incipiunt deficere influendo, hinc sensus ponderis.

Sensuum vis labascit &c. &c. expedita & facilis sensuum exercitio unde dependeat (vide §. 2. Cap. 2.) fit hic dictum (§. 12. Cap. 2.) nervi hinc antea tensi fiunt flaccidi, hinc motus impressi debito modo non deferuntur ad Sensorium commune, (quod ex observationibus pluribus minime puto glandulam pinealem) hinc confusæ perceptiones, unde homo talia proferens, quæ præsentibus rebus omni parte haud ita congruant &c. desipiens vocatur; si autem in Sensorio communi hominis alicujus mox dormituri, (§. 5. Cap. 2.) aut post unam alteramve horam evigilantis a somno, eodem modo, ac fit, si perfecte sit vigilans, (§. 1. Cap. 2.) afficiatur quoddam punctum, unde fibrilla nervea pertingens ad organum sensus cujusdam externi oritur, fit insomnium, status certe intermedius inter somnum & vigiliam: ratio est data superius; sensus & insomnia, spirituum motu fere nullo plane cessant. Attendenti autem 1. id, per quod cogitamus, jam destitui summo instrumento, quo vigent effectus ex conjunctione mentis cum corpore oriundi, adeoque mentis præsentia indicatur, 2. sanguinem subtilissimum post cerebrosum (lemm. 2.) juxta regulas hydraulicas ferri per partes superiores. 3. ea, quæ de expedito motu musculorum dicta sunt. (lemm. 2.) patet ratio 1. cur motus voluntarii non fiant. 2. cur primo palpebræ cadant, & sensim descendendo reliquorum fiat Musculorum voluntariorum quasi paralyfis.

Cordis motus manet, cor est musculus, dixit HIPPOCRATES, enuclearunt penitus *sapientissimi* LOWERUS & VI-EUSSENSIUS; movebitur ergo ut musculus alius, id est per spirituum, & sanguinis arteriosi influxum contrahetur, quibus hic specialiter accedit sanguinis venosi in cava cordis protrusio; ab his tribus dependet systole seu contractio cordis, neque unum horum sufficit; ligatis namque ac penitus abscissis nervis octavi paris in cervice, cor statim palpitare & contremiscere incipit, atque corde tremulo, & pectore admodum suspirioso brevi tandem exspirat animal, non autem statim, spiritus enim per alios adhuc influunt, ut hinc nervi defectus suppleatur, quod hic imprimis fit; nullus enim musculus in toto corpore

tot accipit nervos, (unde merito dicitur universi motor) idem de reliquis docuere vulnera, ligaturæ, (*vide J. BOHNII lib. de renunciatione vulnerum*;) tempore somni tantum afficitur cerebrum, non cerebellum; si enim hoc impeditur fungi officio, est mors (§. 7. n. 3. 4. Cap. 2.) at a cerebello oriuntur cordis nervi, (dari etiam a cerebro docent animi pathemata) *vide R. LOWER. Tractat. de Corde. T. WILLIS. anatom. cerebri. R. VIEUSSENS. lib. de Neurograph. universal.* manebit ergo ejus motus: *fit validior*, robur musculi majus dependet a majore influxu spirituum, & sanguinis arteriosi; sanguis autem tempore somni majore cum velocitate, ad, in, per, & ex corde movetur (ex dictis superius de cibis) majore ergo velocitate ad cerebellum pervenit, plures ergo exprimuntur spiritus, majore ergo quantitate influunt in cordis fibras, sicque simplicissime patet ratio, cur cordis motus maneat & validior fiat, 1. nempe ob majorem sanguinis venosi influxum in cava cordis. 2. propter auctum cruoris motum arteriosi in arterias Coronarias, 3. majorem influxum spirituum vitalium a cerebello per nervos in villos cordis: cur autem cerebellum non afficiatur *vide H. L. institut. Medicas Clariss. H. BOERHAAVE, cujus nomen sine honorificâ præfatione memorare erubescerem*; quicumque autem cum BELLINO advertit, quod homo vigilans modo loquatur, modo currat, levet pondera, meditetur in foro, in venatione sit, &c. hæc que omnia non obtineant tempore somni, facile rationem videt, cur dictus motus sit æquabilior &c.

Pulmones, cætera organa respirationi vitali inservientia, arteriæ, venæ, viscera, quoniam accipiunt nervos a cerebello, ut cor patet cur & eorum motus perennet hoc tempore; reliqua, ut absit verborum ambages, videantur ex jam explicitis.

Caput Quartum.

Expositis plurimis, quæ de Somno possunt dici, restat hic ultimo, ut paucis videantur effectus ejus. In somno auge-
tur, vix mutatur, nec destruitur motus Cordis, Arteriarum,
Ve-

Venarum, &c. (vide *dicta de Cordis motu cap. 3.*) hinc sanguis venosus propter plurimas secretiones, & excretiones cuilibet *Oeconomiae Animalis* gnaro satis cognitae, parte liquidiore orbatus, crassius, ratione structuræ venarum minime compressus, rarefactus, actione valvularum validiore, & sanguinis a tergo continuo prementis motu, jam minus lente movetur per Venas, quasi totidem plana inclinata, ex his in Venam Cavam, per quam jam celerius itinere peracto infunditur in sinum Venosum dextrum, e cujus cavo & celerius pellitur in Auriculam dextram jam flaccidam, ex quâ maxime conquassatus, fibris ejus triplicis ordinis validius sese constringentibus, pellitur in cor dextrum laxum, quod repletum mox urget sanguinem, qui quaquaversum pressus, nec potens redire, propter occlusas valvulas tricuspidales, omnis agitur in arteriam Pulmonalem, (apprimendo ejus lateribus valvulas semilunares) quæ oriunda ex Cordis dextri tendineo circulo, dein incurvata, statim dividitur per totam Pulmonum substantiam in infinitas, minimas totius corporis arteriolas, quam plurimis anastomosibus inter se communicantes, quæ minimæ arteriolæ reticulari opere (quod dicitur *Rete* ab inventore *Malpighianum*) vesiculas pulmonum coronant, spatiaque cellulosa intermedia occupant, ex quibus tandem (arteriolis) oriuntur minimæ venæ cylindricæ eodem modo, ac arteriæ excurrentes &c. quæ tandem majores & majores factæ 4. truncis (dicuntur Venæ Pulmonales) hiant in sinum Venosum sinistram: 2. Chylus in ore morso, masticatione, aëre, atque humoribus in os stillantibus plurimis præparatus, in ventriculo, actione structuræ musculosæ, ingentium vasorum ictu, motu diaphragmatis, viscerum abdominalium, liquore gastrico, (qui in statu naturali nec acidus, nec alcalinus, sed insipidus, aut leviter falsus deprehenditur semper, uti id non unâ vice in privatis exercitiis Theoreticis severe affirmavit *Eximius Vir B. ALBINUS*) reliquiis ciborum inter rugas ventriculi hærentibus, aëris admistione &c. subactus, delatus in contigua intestina, (non enim ventriculum & intestina esse unum continuum ductum sæpius tam publice, quam private primus demonstravit *omnium Anatomicorum hoc tempore facile Princeps J. J. RAU Professor Anatomies & Chirurgiæ dexterri-*

mus, *Lithotomus felicissimus, peritissimus, hacque ratione, totum fere genus humanum sibi devinctum habens, Præceptor noster plurimum venerandus*) in his, actione intestinorum, admistione bilis duplicis, liquoris Wirfungiani, Peyeriani &c. elaboratus, in lacteis motu peristaltico &c secretus (relictis crassioribus pro constituendis fæcibus intestinal.) in mesenterio, ductu thoracischylifero, plurimæ affluxu Lymphæ (an hic spiritus, subtilissimus tum liquor omnium venosorum dicendus per nervos merito ergo venosus chylo admisceantur, severe affirmari nequit, probabile interim est) dilutus & permistus, sanguini tandem venoso in Venâ sinistrâ subclaviâ parçâ simul copiâ mistus, cum eo fluit ad cor dextrum, unde parum mutati mox in arteriam Pulmonalem: hic jam si considerentur vis Cordis proximi valida, sanguinem continuo a tergo premens, conoidea arteriæ Pulmonalis structura, infinitæ ejus ramificationes angulosæ, angulorum variæ inflexiones, anastomoses, millies milliesque repetita aëris gravis, elastici actio in vasa Pulmonibus appensa, effectus certissime dicendi sunt denegata quies duobus momentis in eodem situ, reciproca pressio, propulsio, divisio, attenuatio, aëris huc cum chylo delati, minime per Pulmonum vasa aërea humoribus admiscibilis permistio, mutatio acescentis in naturam alcalescentem, partium ramosarum politio, compactio tandem &c. (plura super his vide apud A. PITCAIRNE *dissertat. de motu sanguinis per Pulm. aliosque.*) sanguis venosus, & chylus sic subacti, in Venis Pulmonicis ulterius exactissime mixti, tandem per 4. Venas Pulmonales infunduntur sinui venoso sinistri lateris, hinc in auriculam sinistram, ex quâ in ventriculum sinistrum, unde in omnium arteriarum principem feruntur, ubi eadem fere, (abest namque aëris actio) 1. subit sanguis, atque ita ulterius evadit aptus fluere per vasa &c; 2. chylus etiam ulterius subactus, pluribus circulationibus (vide R. LOWER. *Tract. de corde Cap. 5.*) tandem redigitur in serum, hoc in sanguinem, compactis nempe pluribus, ut plurimum 6. globulis pellucidis, serosis in unum globulum rubicundum jam tum dictum sanguinem (planiorum hujus mirandæ, attamen verissimæ rei historiam vide apud A. LEEUWENHOEKIUM:) dum itaque validiore cordis, pulmonum, arteriarum, venarum &c.

&c. motu fiat validior humorum circulus, humores omni secretioni atque cunctis actionibus, quæ humorum efficaciâ absolvi possunt in vitâ, aptissimi reddantur, causæ impediētes, turbantes, destruentes absint, vasa varietate Musculorum non impedita, recipiendo aptissima, verissimum est, somnum (naturalem) præter dicta 1. efficere, ut corpori animali (lemm. 1. & 2.) optime tantum & tale restituatur tam in solidis, quam fluidis, quantum & quale per varios corporis motus &c. in vigiliâ (Cap. 2. §. 3.) maximâ causâ destructionis, minimæ nutritionis, fuit deperditum, & evaporavit insensibiliter, (quod evaporare revera fieri primus atque unicus invenit SANCTORIUS, videatur ejus liber aureus de Medicinâ staticâ, tibi que affirmabitur (aph. 6. Sect. 1.) si cibus & potus unius diei sit ponderis 8. librarum transpirationem insensibilem ascendere solere ad 5. libras circiter in aëre Italo &c.) id est reparetur animal, redactio chylo per gradus in serum, hoc gradatim tandem in tenuissimum (jure merito a Veteribus spiritus naturalis nomine ditatum) humorem, verissimum corporis nutrimentum, quod evicere M. MALPIGHIUS in ovis, F. RUYSCH in embryonibus & foetibus. &c. 2. ut plus apponatur partibus, quam detritum est, id est, ut fiat incrementum; (quod non fieri quis negabit?) item ut & accumulatio fiat illius materiæ, (spirituum nempe animalium) quæ derivanda est per vigiliam intra musculos ad inducendam superadditam contractionem &c. &c. quæ videas H. L. ex Inst. Medic. viri jam sæpius laudati H. BOERHAAVE: cum vero temporis angustia neget, plura dici, coactus concludo ex ore Excellentissimi BELLINI rem paucis complectentis, Somni tempus esse illud tempus, quo maxime alitur animal minime destruitur; quum autem ali sit refici, hoc est rursus quasi in generationem venire, & ad suum esse revocari; & nihil magis naturale unicuique rei excogitari possit, quam ipsum esse illius: manifestum est, tempus maxime naturale rebus omnibus animatis esse tempus somni, per quem illæ ad suum esse semper rediguntur, hoc est conservantur in eodem. &c. &c.

T A N T U M.

AD

ORNATISSIMUM JUVENEM
JACOBUM VAN VISVLIET,

De Somno egregiè disputantem, &
Laureâ donandum Apollinari.

Plurima de Somno Veteres insomnia tradunt.
 Namque Erebum voluere parentem
 Illius, & Mortem simul affinxere sororem,
 Obscura de Nocte creatam:
 Huic urbem, portas urbisque dedere gemellas:
 Huic famulum quoque Morphea jungunt.
 Deinde ferunt, celeri volitare per aëra pennâ;
 Dant placidæ sua membra quieti,
 Tempora sed quorum Lethes madefecerat unda.
 Amoto tu seria ludo,
 Veraque de Somno, quid habent si somnia veri,
 Et vigilanti lumine quæris,
VISVLIETI, Valacrum decus & tutela tuorum!
 Nascenti puero tibi risit
 Phæbus & insignem variâ te Pallas ab arte
 Reddidit. Hinc Te Somnia tardant
 Nulla, per Hippocratis noctesque diesque papyros
 Lauros promeruisse recentes
 Niteris; & tandem Tibi præmia dividit æquo
 Leida viris animosa peritis.
 Somnia ceu vates aperis, viresque modumque
 Fictâ tradis imagine monstri.
 Excitat è Somno plures tuâ fama, vel ipsos,
 Qui docto celebrantur in Orbe.

F. G. WESTHOVIUS.

TER

TER BEVORDERINGE

VAN DEN HEERE

JAKOB VAN VISVLIET,

Tót het Geneesheerschap.

GY wordt genoodigd, Léttergasten,
Op een voortréffelyk Bankét,
U van Heer JAKOB voorgezét,
Waar aan Gy u niet zult vertasten.
De Wysheyd heeft het opgedist:
't Is Kóst, uyt Waarheyds Stroom gevischt.

Dóch 't is een Maaltyd voor de Braaven,
Van viesheyd en vooroordeel vry,
Verliefd op Zielelékkerny,
Beschonken met Apollôs gaaven,
Om bet te weten, bet te doen;
En enkel hunne Ziel te voên.

Zit aan, Gy zult hier mooglyk vinden,
Daar Uw Leergraage Geest na haakt,
't Geen nimmer heeft Uw' Tong gesmaakt,
Op kunst genood by vroede Vrinden.
De Tafel wacht U, wel bereyd.
Taft toe, naar Uwe zinlykheyd.

D

De

De Hoofdspys is de *Slaap*, van allen
Bemind, van weynigen gekénd.
Geréchten vullen Hoofd, en End.
't Zal, wat 'er is, U welgevallen.
Gy zeggen, oude Slaapkóft, weg:
Deez wint het buyten wederleg.

Gy zult gewis Uw zegel hangen,
Wanneer Gy lustig hebt gesmuld,
En tót verzaading zyt gevuld,
Aan myne woorden; met verlangen,
Om weêr op zulkeen Feest te zyn,
Schoon zonder Brood en zonder Wyn.

't Is Slaap, die Slaaplust kan verjaagen,
Schoon meest in Slaapenstyd gemaakt;
Van suffe slaapers slechts gelaakt.
Gy zult van deezen Slaap gewaagen:
't Is Slaap, die zonder droomen is:
Dus VISVLIET looven, naar ik gis.

Al fluyt eens de yz're Slaap zyne oogen,
Waar tegen geen gewéld vermag;
Nóg blyft zyn Slaap in held'ren dag,
En houdt, die waaken, opgetoogen.
Voor braave Weetenschappen zwicht
De Dood, de schaduw voor het licht.

Wy durven ons van hem belooven,
Gelooven 't ook op vasten voet,
Dat hy, voor anderen, met spoed
(Zyn lust draaft veeler lust te boven,)
Verlegenen zal gade slaan,
Men hart en mond ten dienste staan.

Wy wachten, wegens hem, te hooren,
In Zeelands Hoofd- en Hóf-stad woont
Die wonderen aan kwaalen toont.

Een andre BAGGAART is gebooren:
Een tweede VISVLIET trekt door kunst,
Gelyk zyn Neef, der Kranken gunst.

De Slaap, de vrucht van zyne Lente,
Voorschaduw't eenen Zomertyd,
Die zyne Maagen, ons verblydt,
En hem betaalt, met dubb'le Rente,
Voor 't werk van zyn geschaard verstand,
Besteed ten nutte van het Land.

Lang bloei het Hooge School te Leyde,
Lang hebb' het Mannen, als het heeft,
Lang geev' het Mannen, als het geeft:
Lang graaz' de Jeugd zich, in haar Weyde,
Gedrénkt van Kunstekweekend nat,
Aan Klaver van Geleerdheyd zat.

Wien lust lókt, om mede Eer te haalen,
Slaa 't Voedspoor van Heer JAKOB in,
Met wissen tred, met vasten zin,
Hy zal op zyne beurt ook praalen.
De Gódneyd heeft hier alles veyl;
De Wysheyd kent hier naauwlyk peyl.

N. V. POELGEEST.

... van de ...
... van de ...
... van de ...
... van de ...
... van de ...

... van de ...
... van de ...
... van de ...
... van de ...
... van de ...

... van de ...
... van de ...
... van de ...
... van de ...
... van de ...

... van de ...
... van de ...
... van de ...
... van de ...
... van de ...

... van de ...
... van de ...
... van de ...
... van de ...
... van de ...